



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-2-218-2/20
Banja Luka, 10.03.2020. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu iz
Gračanice, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA
dostavljanjem informacija

Obrazloženje

Dana 06.03.2020. godine Direkcija za civilno vazduhoplovstvo BiH (u daljem tekstu BHDCA), zaprimila je zahtjev na osnovu Zakona o slobodi pristupa informacijama u BiH, u kojem podnosilac iz Gračanice, zahtijeva da mu se dostave sljedeće informacije: „Da li je Bosna i Hercegovina završila prvi prelazni period ili drugi prelazni period nevedene u Protokolu II, Prelazna rješenja između Evropske zajednice i zemalja članica EZ, s jedne strane, i Bosne i Hercegovine, s druge strane, što je bila obaveza prema Multilateralnom sporazumu između Evropske zajednice i njenih zemalja članica i Bosne i Hercegovine o uspostavljanju Evropske zajedničke zrakoplovne oblasti (ECAA), potpisanog u Luksemburgu 9.6.2006. godine?“

Postupajući po navedenom zahtjevu, a na osnovu člana 14. Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu Rješenja i podnosiocu zahtjeva dostavlja informacije kako je traženo:

Bosna i Hercegovina je u fazi ispunjavanja uslova iz faze I Protokola II Anksa V ECAA sporazuma. Samim protokolom nisu definirani rokovi, pa prema tome, Bosna i Hercegovina istim nije ograničena. Nadalje, ECAA sporazum mora biti posmatran u cijelini, te obaveze iz ECAA sporazuma koje proističu za BiH, takođe.

Zbog deficita stručnog vazduhoplovnog osoblja, ispunjavanje uslova iz Faze I ECAA sporazuma, u dijelu koji se odnosi na primjenu propisa koji se odnose na oblast vazduhoplovstva, odvija se sporije.

Zahtjevi koji se odnose na konkurenciju, državnu pomoć, itd. su u nadležnosti drugih institucija.

Bosna i Hercegovina svake godine bilježi određeni napredak po pitanju ispunjenosti uslova iz Faze I Protokola II Aneksa V. Takođe, treba uzeti u obzir i činjenicu da Zajednički komitet ECAA svake godine donosi novi set propisa iz Aneksa I koje je potrebno ispuniti. Bosna i Hercegovina nije jedina država u regionu koja nije ispunila sve uslove iz Faze I, upravo zbog činjenice što se radi o dinamičkim zahtjevima, te velikom naporu koji je potrebno preduzeti da bi isti bili ispunjeni.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se podnijeti žalba Žalbenom vijeću pri Savjetu ministara BiH kao drugostepenom organu i prigovor Ombudsmenu za ljudska prava BiH.



Dostavljeno:

-

-

70 233 Gračanica

- a/a.